

خطط للفردوس الأعلى | الحلقة (81) | #شبابـيك | د. حازم

شومان

حازم شومان

بسم الله والصلوة والسلام على رسول الله الحمد لله كفى وصلوة وسلاما على عباده الذين اصطفى. اما بعد خطط لمستقبلك. خططي لمستقبلك. النهاردة هنخطط لحاجة في غاية الخطورة يا جماعة. خطط - 00:00:00

الفردوس الاعلى. خططي انك انت تبقي جارة للنبي عليه الصلاة والسلام في الفردوس الاعلى. خطط انك تبقي ساكن جنب سيدنا موسى او سيدنا ابراهيم في الفردوس الاعلى خططي ان انت تبقي جارك من ناحية سيدنا ابو بكر الصديق. ان انت تبقي جارتكم من ناحية السيدة خديجة بنت خويلد. ان انت تبقي جارتكم من ناحية السيدة فاطمة او السيدة عائشة - 00:00:20

اذا خططت لمستقبلكم يا جماعة. خطط للفردوس الاعلى. ما فيشنبي هيسكن في الجنة من تحت. كل الانبياء في الجنة من فوق. في الفردوس الاعلى ما فيش صديق الا وهيسكن في الفردوس الاعلى. الشهداء في الفردوس الاعلى. الانبياء في الفردوس الاعلى. اصحاب الانبياء في الفردوس الاعلى. الائمة - 00:00:40

في الفردوس الاعلى. يعني انا عايز اقول لك ان انت لو ما سكنتش مع الناس اللي فوق مع سكان الفردوس الاعلى. لو سكنت تحت مع اصحاب اليمين بس في الجنة هيقوتك حاجات كتير اوبي ، وهيفوتكم نعيم كتير اوبي. خططه للفردوس الاعلى يا جماعة. هي دي الرحلة اللي هنبدأها مع بعض. من اول الوقتي بازن الله - 00:01:00

وتعالى واحنا بنتكلم عن التخطيط للفردوس الاعلى. او التخطيط لمستقبلنا النهاردة مع محطة الفردوس الاعلى بازن الله واحنا دلوقتي بنتكلم عن الطريق للفردوس الاعلى. الطريق السريع وراه اهو يا جماعة. الطريق السريع العربيات رايحة جاية. الاسفلت بتاعه اتنحل من كتر - 00:01:20

مجهود العربيات ليل نهار. العربيات ديت مسافرة عشان الدعوة الى الله ولا العربيات دي مسافرة عشان التجارة وعشان الدنيا وعشان الشركات وعشان الصفقات. كل ده عشان الدنيا يا جماعة. يبقى ازا كان اهل الدنيا بيبنوا المجهود الرهيب ده. ليل نهار عشان يرتفعوا في الدنيا. احنا ما عندناش همة ليه؟ ما عندكيس همة للفردوس - 00:01:40

الاعلى ليه؟ بنتقول اهي جنة والسلام وخلاص ليه؟ بتقولي وقت الله يعين الله ليه؟ ما بتفكريش بطعموح عالي انك انت تبقي مع النبي عليه الصلاة والسلام في الجنة ليه ما بتفكريش زي الصحابة لما كانوا بيبكوا الليالي. لأنهم خايفين انهم يشوفوا النبي عليه الصلاة والسلام في الجنة. وما يبقوش بيشوفوه في الدنيا. وما يبقوش معه - 00:02:00

الجنة ليه يا جماعة ما عندناش طموح؟ ليه ما عندناش طموح ان زي العربيات ده ما بتقطع الطرق السريعة ليل نهار الاف الكيلومترات؟ احنا قطع الطريق للفردوس الاعلى مهما كان صعب. مهما كان عالي مهما كان التمن هندفع يا رب. مهما كان التمن هنتحمل يا رب. احنا بنبيع ايه بايه - 00:02:20

احنا بنفترط في ايه عشان ايه؟ احنا سايبين ايه عشان ايه؟ عايزين نفوق. الدرس ده المعنى ده. التخطيط للفردوس الاعلى. ده حملة من اجل اليقظة على قلوبنا. من اجل ان احنا نفوق يا جماعة. من اجل ان احنا لما بيحبو في الجيش يعني يتأكدوا ان الجيش سليم بيعملوا حاجة اسمها - 00:02:40

حرب يلا فتش على كل حاجة كأن في بكرة حرب. احنا دلوقتي عايزين نعمل تفتيش حرب على قلوبنا. انت قلبك جاهز انه يعرض

على الله بكرة. لو انت مت النهاردة قلبك - 00:03:00

انه يعرض على الله بكرة. عايزين نقف مع نفسنا واحنا بنخطط للفردوس الاعلى. عشان نتخيل يعني ايه الجنة يا جماعة؟ عشان نتخيل يعني ايه نعيم يلا يا اخوانا تخيل كده يعني آا انت عايز تتقدم لعروسة فانت نفسك تشفو هي حلوة ولا لأ؟ فواحد قال لك ده جميلة. فبتقول له لا لا انا عايز اشوفها انا عايز اتأكد منها - 00:03:10

هات لي صورة لها. قال لك لا انا مش هجيب لك صورة لها بيميك اب. مش هجيب لك صورة وهي عاملة شعرها. مش هجيب لك صورة وهي لابسة موديل استايل - 00:03:30

انا هجيب لك صورة لها وهي صاحية من النوم. وهي صاحية من النوم هتبقى عينيها منفوخة. هيبقى وشها شكله ايه؟ هتبقى شكلها يعني صعب جدا. ازاى قال لك انت لما هتشوفه وهي صاحية من النوم انت مش هتقدر تستحمل الجمال بتاعها. هو ده اللي النبي عليه الصلاة والسلام عمله معنا وهو بيعرفك زوجتك في - 00:03:40

دي هيبي شكلها ايه؟ وهو بيعرفك جمالك في الجنة هيبي شكله ايه. وبيوصف حورية من حوريات الجنة. بس النبي بيوصف حورية خام. خدوا بالكم يا جماعة الحديث ده. فيه معنى - 00:04:00

جدا حورية خام. حورية من غير ن CAB. من غير اه اي مجواهات. من غير موديلات. من غير حتى شعرها حورية النبي بيصفها خام. يعني ممكن نقول حورية صاحية من النوم مسلا يعني. ولو ان من نعيم الجنة ما فيش في الجنة نوم. ولكن تعال شف النبي عليه الصلاة والسلام - 00:04:10

توصف في صحيح البخاري بيقول ايه؟ بيقول لو اطلعت امرأة من نساء الجنة واحدة من حوريات الجنة على الارض لمتأت ما بينهما ريجا. يعني ايه؟ يعني البرفان ريجتها. الريحة الجميلة بتاعتها تملئ الكرة الارضية - 00:04:30

الستة تقول ايه البرفان اللي طلع ده! ايه الريحة العاصفة الجميلة اللي طلعت دي! ده دي يا جماعة مش ريجة البرفان اللي حطاه! ده دي ريجة جسدها! مش في الدنيا - 00:04:50

في غدد عرقية بتفرز عرق. الحورية عندها عدد عطرية بقى. يعني جسمها نفسه جلدتها نفسه ده الريحة الطبيعية بتاعتها. ده لسه ما فيش برفانات ده لسه ما فيش اي اضافات. شف النبي بيقول ايه كمان بقى عليه الصلاة والسلام ولا اضافات ما بينهما. يعني الشمس دي اللي اللي جاية في وشي الوقتي وممكن - 00:05:00

ما نيش عارف افتح عيني بسبب. الشمس اللي جاية في وشي. الشمس دي تطفى. نور وجه الحورية. النبي عليه الصلاة والسلام بيوصف لك هنا ايه؟ بياض وجهها. جمال وجهها يعني ايه؟ يعني من غير كريم اساس. من غير اي اضافات على وشها. ده ده بياض وشها بس لوحده. يقوم منور الدنيا - 00:05:20

كلها يعني لسة ما فيش مكياج خالص. بعد كده النبي عليه الصلاة والسلام بقى بيقول لك ولنصيفها على رأسها. يعني الخمار بتاعها الخمار خير من الدنيا وما فيها هو هو ستات الجنة محجبات! هو انا مراتي في الجنة هتمشي معي في الجنة وهي محجبة! هو انت هتبقى في الجنة محجبة! يعني ايه نصيبيها على رأسها! مش المعنى - 00:05:40

انا هنا يا جماعة ان هي السنت هتمشي محجبة في الجنة. انما شيل شعرها وشيل الاستايل بتاع شعرها. وشيل الصبغة او اللون بتاع شعرها. شيل اي في حاجة خالص وهي كده وشها شكل وشها بس عينيها وشفايفها وخدودها كدهو من غير اي حاجة لو بس نصفها على رأسها خير من الدنيا - 00:06:00

وفيها ملكية جمال العالم نجمات هوليود البنات اللي خدوا اجمل نساء في العالم في كل مسابقات ملكات الجمال. كل ده ولا شيء في شكلاوي هي لابسة الخمار بتاعها. يعني النبي عليه الصلاة والسلام بيصف لنا يا جماعة حورية صاحية من النوم. حورية من غير مكياج ولا برفان ولا موديلات - 00:06:20

واللي عاملة شعرها ولا اي شيء خالص وهي صاحية من النوم كده لون وشها. جمال شكلها شكل ملامحها من غير حتى شعرها حتة من غير اي برفانات ولا اي حاجة تغير حال الكرة الارضية كلها دي واحدة بس. الوقتي على وجه الكرة الارضية اربعة مليار امرأة. يعني من

وسط السبعة مليار - 00:06:40

او او التمانية مليار اللي ساكنين على وجه الكرة الارضية. اربعة مليار امرأة. امرأة واحدة بس من اهل الجنة تطلع على الارض. تغير القارات السبعة اللي موجودة على وجه الكرة الارضية. ده ده ما هو الشيء في نعيم الجنة. ده ده ما هوش شيء في نعيم الفردوس الاعلى. ده ده ما هواش شيء في النعيم اللي مستنيك. والنعيم اللي - 00:07:00

مستنيكي لو تابعني عشان ربنا لو جاهدنا عشان ربنا لو قررنا ان احنا نفصل في علاقتنا بربنا لو قررنا ان احنا طلاب اخرة ما احناش طلاب دنيا. هنبدأ الوقت يا جماعة باذن الله مع بعض رحلة دخول الجنة. انا مش عايز اكلمك الاول عن الجنة او اكلمك عن الجنة - 00:07:20

الله لما نعيش في قلوبنا مع بعض رحلة دخول الجنة. يعني ايه رحلة دخول الجنة؟ انا هبدأ معكم من اخطر لحظة نقدر نبدأ بها. من لحظة اعلان النتيجة تخيلي مسلا وانت طلعتي الاولى على السانوية العامة. تخيل مسلا وانت جبت مجموع الكلية اللي انت نفسك فيه. تخيل كده لحظة اعلان النتيجة - 00:07:40

لحظة تسلم تصريح دخول الجنة. عارفين يا جماعة مش تصريح دخول نادي. انت نفسك تدخله بس الاشتراك بسبعين الف جنيه في السنة. ووالدك ما يقدرش المبلغ ده لحظة ما تتسلم بييمينك من الله سبحانه وتعالى تصريح دخول الجنة. شف اللحظة دي في سورة الحق. قال تعالى - 00:08:00

فاما من اوتى كتابه بييمينه. يعني اللي بيحصل هنا يا جماعة ايه؟ يعني في فرق ان الصحف تتطاير واحد ياخدها بييمينه وان واحد ساعة العرض على الله ربنا سبحانه وتعالى يعلن امام الخالق. لقد سعد فلان ابن فلان. سعادة - 00:08:20

لا يشقى بعدها ابدا. لقد سعدت فلانة بنت فلان سعادة لا تشقى بعدها. ابدا. تخيل ربنا بيقول ايه كيف اما من اوتى كتابه بييمينه يعني ساعتها السينات بتتشال وصحيفة السينات بتترملي بتتعدم خلاص. وتستلمي صحيفة حسناتك بس. اللي انت - 00:08:40

ادخلني بها الجنة بس. ربنا عفا عن كل السينات خلاص. وتاخذ بطاقة دخول الجنة. فاما من اوتى كتابه بييمينه فيقول قم اقرأوا كتابي من كتر الفرحة انت ما انتاش قادر تتخيل انت مش قادر تتتصوري الجنة انا خلاص ربنا امر - 00:09:00

ان انا ادخل الجنة ربنا ازلني بالجنة. ها قوم تعالوا يا ناس. تعالوا يا ايها الصالحين. تعالوا يا كل البشرية. تعالوا يا اللي كنتم بتتربيروا علينا لما كنا بنطيع ربنا. تعالوا يا اللي كنتم بتتربيروا على نقابي. تعالوا يا اللي كنتم بتتربيروا على وسام السنة. تعالوا يا اللي كنتم بتتربيروا على اتباعنا للدين - 00:09:20

تعالوا يا اللي كنتم بتتربيروا عليها لما كنت بغض بصري. تعالي يا اللي كنت بتتربيقي علي. لما كنت ابعد عن ان انا اتكلم مع شاب من الشباب قالوا يا اللي كنتم بتتربيروا على اي شاب لانه بعد عن الاختلاط او بعد عن النظر الحرام. او ما تفرجش على موقع سينه. تعالوا تعالوا يا صحبة يا صالحة - 00:09:40

تعالوا يا كل واحد كلمنا عن ربنا في يوم من الايام. هاؤم اقرأوا كتابي. تعالوا شوفوا انا عملت ايه. شوفوا قيام الليل. شوفوا الصيام النهار. شوفوا العبادة اللي انا عبد ربنا بها. شوفوا الدموع اللي سالت من قلبي قبل عيني. وانا باقرأ القرآن. شوفوا جلسات الذكر. شوفوا جلسات الضحى اللي قعدتها - 00:10:00

في الجماع شوفوا زيارة المقابر من اجل الاعاظه. شوفوا كل كلمة قلتها عند ربنا. شوفوا كل جنيه اديته لحد فقير. هاؤم اقرأوا اني ظننت اني ملاق حسابيا. انا كنت عارف ان اليوم ده جاي. انا كنت بشتغل عشان اليوم ده. انا كنت بخطط للحظة دي. انا كنت بكافر - 00:10:20

انا كنت بجاهد وانا متوكل على الله عشان اللحظة دي. اني ظننت اني ملاق حسابيا. وهنا وفي وسط الافراح دي كلها يأتي اعلان النتيجة من مالك الملك يعني في الاول هو اللي قال للناس انا فزت انا نجحت انا اللي هيحصل دلوقتي يا جماعة شيء عزييم ان ربنا اللي - 00:10:40

كم اهل المحشر كلهم هيقول ان فلان ابن فلان سعد سعادة لا يشقى بعدها ابدا. فهو في عيشة راضية فهو في ايه عيشة الشاب

دلوقتني لما يقول لك ده فلان ده عايشها يعني ايه عايشها من رحلة لحفلة لطالعة لا لا عايش حياته لا يا حبيبي مش دي - 00:11:00
عايشة العيشة في طاعة ربنا فهو في عيشة راضية. في جنة عالية زي قصور الملوك والامراء. قطوف ودانية الدنيا
قطوفها قاسية يا جماعة. الدنيا صعبة. الجندي بييجي بطلع الروح يا جماعة. الدنيا صعبة عشان تاخد شهادة. عشان تاخد -

00:11:20

شهادة جامعية قعدت عشرين سنة من عمرك من وانت عندك اربع سنين تنزل من وانت الساعية خمسة الصبح تروح الدراسة ودروس
خصوصية وامتحانات في الآخر يبقى معك شهادة تعلقها على الحيطه. الدنيا صعبة. الجندي صعب. الفلوس صعب. الترقية صعبة.
المراكز صعبة. قطوفها قاسية. انما الجنة قطوفها - 00:11:40

كل النعيم بقى بين ايديك وشبيك لبيك. النعيم كله بقى بين ايديك وبين ايديك. النعيم قطوفها دانية. كلوا اشربوا هنئا بما اسلفتم
في الايام الخالية. الدنيا راحت في كل حاجة انتهت. وكل حاجة في الدنيا راحت يا جماعة - 00:12:00

خلاص الدنيا خلصت. اللي يعني سبحان الله زي اللي عمل فرحة فرح فاسد وجاب راقصات وجاب فرق وجاب وجاب. واللي عمل
فرح لم الله سبحانه وتعالى فيه. ده رجع بشنطة سينات وده رجع بشنطة حسنات. والليلة راحت على ده وراحت على ده. يبقى
القضية كلها خلصت خلاص. الليلة اللي راحت في العبادة راحت - 00:12:20

والليلة اللي راحت في الفجور راحت. يبقى القضية كلوا واشربوا هنئا بما اسلفتم في الايام الخالية. خلاص الدنيا راحت. وفضل
الجهاد والتعب والحسنات بتاعتكم. الف مبروك دية النقطة الاولى في الرحلة بتاعتنا. واحنا بنتكلم عن الفردوس الاعلى.
واحنا - 00:12:40

احنا بنتكلم عن الطريق للفردوس الاعلى. واحنا بنتكلم عن الطريق للجنة. لحزة اعلان النتيجة. من الوقت رسمي انت بقىتي من اهل
الجنة دلوقتني انت رسمي بقى من اهل الجنة. من الوقت كل اللي هيتعمل معك ومعك هو التأهيل لدخول الجنة. ما بين اعلان
النتيجة. وما بين اول قدم - 00:13:00

تضعها في الجنة. يا ترى ايه اللي هيحصل؟ هو ده الخطوة الثانية في الرحلة الجميلة اللي احنا بنتنسها مع بعض دلوقتني يا جماعة.
الطريق الى الفردوس سنعمود. بعد اعلان النتيجة بعد ما - 00:13:20

رسميا يا رب من اهل الجنة خلاص بازن الله سبحانه وتعالى. بتدخل في مرحلة جميلة اوبي يا جماعة. حاجتين بيحصلوا هنا. الحاجة
الاولانية اول مرة هتشوف الجنة من برة. لسة الجنة من برة مزهلة يا اخوانا. الجنة من برة لا تقل جمالا عن الجنة من جوة. اول مرة
هتشوف الجنة من برة. انا - 00:13:40

ابقى من اهل المكان دوت الحدس الثاني حدس في غاية الخطورة ولازم ناخد بالنا منه. ولازم نلقطه من القرآن والسنة ونوصفه
كويس جدا حفلات دخول الجنة. ده اللي بيطلعوا الاوائل على السانوية العامة قبل ما بيدخلوهم الجامعة بيعملوا لهم حفلات كبيرة.
الاوائل في كل حاجة بيحفلوا بهم قبل - 00:14:00

كل ما بيأخذوا الواقع بتاعتهم حفلات دخول الجنة يا جماعة. حفلات اللي بتحصل على ابواب الجنة. هنبدأ دلوقتني نتكلم عن مشهد
عظيم جدا. مشاهد دخول الجنة مشاهد دخول الجنة. بالنسبة لكل نوعية غير النوعية الثانية. يعني مشهد دخول المتقين. المتقين
دول يعني في المسلمين الاعلى منهم المؤمنين الاعلى منهم - 00:14:20

المحسنين الاعلى منهم المتقين. شوفي ربنا بقى بيقول ايه. ازلفت الجنة للمتقين غير بعيد. ازلفت الجنة يعني يا اخوانا لقاء الحبيب
بالحبيب. يعني هو بيجري عليها وهي بتجري عليه. يعني لقاء هو بيحبها وهي بتحبه وهو مشتاق له - 00:14:40
وهي مشتاق له. الجنة بكل اللي فيها. الجنة بحورها. الجنة بملائكتها. الجنة بنعيمها. الجنة باشكارها. الجنة مشتاق له. الجنة بتجري
عليه وهو بيجري عليها. وازلفت الجنة. الجنة يا اخوانا فوق في السما عند سدرة المنتهى. يعني الجنة فوق السما السابعة. يعني الجنة
بيينا وبينها السبع سماوات - 00:15:00

يعني لا يمكن حد يقدر كده مسلا يجري يصل للجنة. لو الجنة ما قربتش لك. لو انت ربنا ما ادكيش حاجة توصلني بها للجنة زي البراق

في رحلة المعراج ما حدش هيوصل لها وازلفت الجنة للمتقين غير بعيد. يعني ايه غير بعيد؟ غير بعيد يا اخواننا انت عارف واحد

بيحمل بحاجة - 00:15:20

اوي اوبي اوبي خلاص بقت قريبة خلاص ما عادتش بعيدة. غيره بعيد دي كلمة بتلمس اوتار القلب. ده كلمة ما عادتش بعيدة ما عادتش بعيدة في كلها حاجة بسيطة وهتدخلوها وهتبقوا من اهلهما. ما عادتش بعيدة في المكان ما عادتش بينكم وبينها سبع سماوات. غير بعيد هذا ما توعدون هذا - 00:15:40

اسم اشارة للقريب. يعني الجنة بقت قدامك هذا ما توعدون. لمين؟ للي دفع التمن. لكل اواب. اواب. عنده اوراد عبادة سابقة لا يحيد عنها ابدا جلسة ضحى كل يوم. قيام الليل كل يوم. تكبيرة الاحرام سابقة. لكل اواب حفيظ. حفظ الله بالغيب. هذا ما - 00:16:00

وعدون لكل اواب حفيظ. من خشي الرحمن بالغيب وهو لسة ما شفش ربنا. وما شفش جلال ربنا في السماوات. ولكن عظم جلال ربنا وجاء بقلب منيب. ما جاش برجليه لربنا ده جاي بقلبه. انت جاية بقلبك لربنا. الكلام اللي بقوله لك دلوقتي عامل ايه في قلبك؟ عمل ايه في قلبك - 00:16:20

اهو انا باكلمكم دلوقتي عن فندق سبع نجوم كان زمان قلبك اتحرك. او انا باكلمك الوقتي عن الساحل الشمالي. ولو انا باكلمك الوقتي عن اصل من اصول الملوك او الامراء انا دخلت - 00:16:40

بوصفه لك. كان زمان قلبك اتحرك. انا باكلمكم عن اللحظة من كل ده يا جماعة. انا باكلمكم عن النعيم اللي ربنا خلقه بآيديه. عشانك وعشانك ده مشهد دخول المتقين. طب مشهد دخول المتكولين. مشهد دخول المتكولين النبي عليه الصلوة والسلام بيقول ايه؟ سبعون الفا يدخلون الجنة - 00:16:50

متماسكون متماسكون وجوههم كالقمر ليلة البدر. سبعين الف قمر سبعين الف بدر. داخلين مع بعض الجنة الساعة سبعين الف واحد في لحظة واحدة. يا اخواننا يبقى الجنة دي وسعها ايه؟ والجنة دي ابوابها شكلها ايه؟ وداخلين ماسكين ايدهم في ايدهم. زي ما كانوا في الدنيا عندهم - 00:17:10

قوه وتماسك في الجنة داخلين باخوه وتماسك. مشهد دخول الزاهدين. لما مات يعني سبحان الله العظيم لما مات بشر الحافي رحمة الله فواحد رواه في الرؤية وكان من كبار الزاهدين في الامة. فواحد رأه في الرؤيا. فقال يا بشر ما فعل الله بك؟ فقال اجلسني على مائدة. على مائدة مائدة بقى كلها - 00:17:30

اطعام وشراب من الجنة وقال لي كل يا من لم تأكل اشرب يا من لم تشرب. تخيلوا بقى الزايدين اللي زاهدوا في الدنيا اللي في نعيم الدنيا. اللي زاهدوا في ملذات الدنيا وهم داخلين الجنة. وبيشوفوا السواب بتاعهم ما عدش فيه زهد يا جماعة. ما عدش فيه يا اخوان حاجة اسمها زهد. ما عدش - 00:17:50

في حاجة اسمها ان انا هاسيب حاجة عشانك يا رب. ده انا سبت كل حاجة عشانك في الدنيا. عشان انت بتديني النهاردة كل حاجة في الجنة يا رب. مشهد الرهيب - 00:18:10

باتع حفلات دخول الجنة ربنا بيبيو صفة في اخر سورة الزمر. مشهد دخول اهل الفردوس الاعلى بقى. مشهد دخول اللي بينادوا من ابواب الجنة الثمانية. قال تعالى وسيق الذين اتقوا ربهم الى الجنة زمرا. الى الجنة. الطالب بيخلص الامتحانات يقولوا له يلا على الساحل الشمالي - 00:18:20

على شرم وهو رايج بقى والهوا كده في العربية جاي بقى ايه في وشه كده بيبيقى متنسم نسائم الساحل الشمالي وبينه وبينه لسه تلتميست كيلو متر الى الجنة يا جماعة. احنا مش رايحين لمتعة في الدنيا. احنا رايحين للجنة. متخلين البهجة اللي في القلوب ايه؟ وسيق. وسيط ديت يعني متساء بهم. يعني راكبين راكبين حاجة اسمها - 00:18:40

النجائب ديت عاملة زي البراق كده اللي النبي عليه الصلوة والسلام طلع به سبع سماوات. ده دي وسيلة المواصلات اللي هتقطع بك سبع سماوات للوصول للجنة للوصول لسدرة المنتهي للطلوغ فوق. السماوات السبعة. وسيق الذين اتقوا ربهم الى الجنة زمرا. جماعات جماعات - 00:19:00

ادوا للقومين ودول الصومامين ودول المجاهدين ودول الدعاة الى الله. ودول حفيدات عائشة وفاطمة الى الجنة زمرا. حتى اذا فجاءوها حتى اذا الفجائة ما كانواش متخيلين المنزr الرهيب بتاع الجنة بقى. ما كانواش متخيلين الروعة الباهرة بتاعة الجنة دي -

00:19:20

فذا جاؤوها وفتحت ابوابها. وبدأت ابواب الجنة التمانية تفتح. كل باب جايب اصناف من العطور غير الثاني. كل باب جايب شاهد من النعيم غير الثاني. كل باب استايل وموديلات وتصميمات غير الثاني. كل باب جايب الوان لأشجار. ده الدنيا فيها سبع الوان بس.

اما - 00:19:40

فيها الوان شكلها ايه؟ انت متخيلين المنزr حتى اذا جاؤوها وفتحت ابوابها بدأ الباب بقى يتفتح واحدة واحدة كده وانت تبصي على اللي جوة انت مش داخلة على معرض جاليري وبتبصي على تحف جاية من فرنسا وجایة من المانيا تبص على بتاع الجنة. حتى اذا جاءوها وفتحت ابوابها - 00:20:00

وقال لهم خزنتها لانها كنوز لها خزنة. سلام عليكم. طبتم فادخلوها. طبتم. السمرة لو جبنا تمرة من اي نخلة او اي شجرة لما بتطيب معناها استوت كلها استوت. فتخيل كده انت قلبك كله استوى. ما عدش في قلبك شهوات ولا شهوات ولا امراض. قلبك -

00:20:20

كله طاهر. قلبك كله نضيف. من جوة ابيض بس بحق و حقيقي. طبتم فادخلوها خالدين. قالوا الحمد لله. اول كلمة ما يقولوها مع اول قدم لهم في الجنة يا رب او عدنا يا رب. يعني تخيلي كده اول قدم لك في الجنة هتقولي ايه في اللحظة دي - 00:20:40

الحمد لله الذي صدقنا وعده واورثنا الارض نتبوا من الجنة حيث نشاء. يا رب انت كل حاجة حيث نجاء بيسموها ايه كارت بلانش بيسموها ايه؟ بيسموها امريكا يقول لك خد الجرين كارد يروح اي ولاية من امريكا على راحته. لو واحد معه - 00:21:00

تصريح دخول كل النوادي حيس يشاء اي مكان. اي نعيم في الجنة بقى بين ايديك وبين ايديك. فنعم اجر العاملين. مش المتكلمين مش اجر الكلمنجية. اجر اللي بيشتغلوا. مين فينا قام الليل يا جماعة؟ مين فينا ناوي يقوم الليل؟ الليلة اللي جاية دهيت. مين فينا يا اخوانا - 00:21:20

يوم اتنين وخميس. مين فينا يا اخوانا بيحافظ على صلاة الضحى او على جلسة الضحى؟ مين فينا يا جماعة نفسه يدخل الجنة؟ عايز يوصل للجنة. عايز يرضي ربنا سبحانه وتعالى - 00:21:40

نتبوا من الجنة حيث نشاء. فنعم اجر العاملين. نعم اجر العاملين. يعني في نهاية الحلقة دهيت احنا كنا بنتكلم عن الرحلة في الطريق للجنة. هنكمي الحلقة الجاية ان شاء الله. في حلقات خطط للفردوس الاعلى. هنكمي النهاردة بس يا جماعة بدأنا - 00:21:50

نتكلم عن لحظة اعلان النتيجة. وبعد كده الطريق للجنة. ومنزr الجنة من برة. ومنزr حفلات الاستقبال العظيمة. في الجنة. عارفين المرة الجاية هنبدأ بايه؟ هنبدأ بمعنى مهول يا اخوانا هنبدأ بمعنى اول يوم في الجنة. واول يوم جماعة في الجنة. اشمعنى الجمعة؟ الجمعة ده يوم - 00:22:10

في الجنة خاص جدا زي ما كان عيد المسلمين في الدنيا. وكل جماعة في الجنة ده عيد. عيد في حاجات جديدة في الجنة. هنبدأ المرة الجاية مع اول يوم في - 00:22:30

مع اول رحلة في الجنة مع اول لقاء بينك وبين حبيبك ومراتك في الجنة. مع اول مرة هتاكلي فيها من ثمار الجنة. مع اول مرة هتتظر فيها لوجه الله الكريم في الجنة. مع اول مرة هتشمي ريحنة الجنة. مع اول مرة هتسبح في نار الجنة. يا ترى اول يوم في الجنة ده شكله ايه؟ يا ترى - 00:22:40

اول يوم في الجنة ربنا اتكلم عنده في القرآن واتكلم عنده فين وقال عنه ايه؟ هو ده المعنى اللي هنبدأ به الحلقة الجاية باذن الله سبحانه وتعالى. اللهم اجعل من اهل الفردوس الاعلى. اللهم ارزقنا الفردوس الاعلى. اللهم ارزقنا الفردوس الاعلى. اللهم متعنا بصحبة نبيك في الفردوس الاعلى. اللهم - 00:23:00

ارزقنا النظر لوجهك الكريم بكرة وعشيا في الفردوس الاعلى. برحمتك يا ارحم الراحمين. سبحانه الله وبحمدك. اشهد اشهد ان لا اله

الا انت استغفرك واتوب اليك وجزاكم الله خير - 00:23:20